



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四三八

延釐堂集九卷（奏疏三卷補遺一卷鹽法隅說一卷文一卷

詩二卷自記年譜一卷） 孫玉庭 撰

一

玉磬山房詩集十三卷玉磬山房文集四卷 劉大觀 撰

二三五

河橫老屋詩集十卷 王士璜 撰

五一九

綠滿山房集三十六卷（甲部九卷乙部九卷丙部九卷丁部九卷） 殷如梅 撰

五七一

延奎堂集

[illegible]

公姓孫氏諱玉庭字佳樹寄圃其號也濟甯州人家世業儒
高祖諱瀛洲明末諸生隱居不仕曾祖諱芳康熙丁卯經魁
高潔冲淡文如其人祖諱文丹邑庠生品純學粹鄉諡貞文
先生父諱擴圖乾隆丙辰舉人丁巳乙丑兩中明通榜由教
諭歷官浙江錢塘縣知縣所至有聲文學政事爲一時之望
三世皆

家傳

三朝宣力於外者四十年公抱篤梨之忱達時務明天體爲

政與地方培養元氣不矜整頓名廉而不激寬而不懦官翰林以風節自持遇當道用事者欲羅致之門下不可得遂多方陷之嘉慶四年當道者敗公已由廣西鹽法道擢按察使會黔苗不靖與粵西西隆州接壤苗首農登聯等蠱起應之制軍督兵往剿駐西林縣之潞城前敵左右江鎮爲賊所乘潰制軍欲退守西林公時在後路辦軍需急往止之謂兩鎮雖失利而提督全軍尙駐西隆舊州地距潞百餘里賊必不敢越之至此卽至我與提軍腹背夾擊之必大捷若遽作退

家傳

二

計恐人心惶惑諸臺站且聞而星散棄地長寇悔將何及制軍乃止未幾破西隆苗砦殲其魁乃更進師限紅水江苗扼其津要不得渡公偵知江外木應瑤人善製藥弩狎苗畏之有微員崔鈞者能招致瑤人遣潛往說以利害俾爲內應度其時進軍苗方抵拒忽寨內火起苗大亂則木應瑤之劫其後也乘勢濟師大破之遂復冊亨事平敘功
賞戴花翎後撫雲南值緬僧張輔國據南興蠶食耿馬孟連猛猛三土司地掠及緬甯爲邊患者十餘年公與制軍定策

職之述職入

覲

仁宗諭曰汝在滇與總督伯麟和衷汝二人何以能如此覆奏臣與督臣相與以誠各矢無私

上曰汝等如此朕無南顧憂矣公之開藩湖北也時川楚軍興前督以軍糧匱乏爲參贊所劾制府乃預自爲地奏公督運不繼而參贊報捷謂由糧足乃能進克疏適並入

仁宗擢公廣西巡撫調廣東嘆咭喇欲占大西洋澳門貿易

家傳

三

地邊

天朝法公方監臨入闈請制軍以兵逐之不從及出闈乃嚴設守備夷始遁去然已逡巡兩月餘矣

仁宗以遲延遣制軍成改公撫貴州旋以不効制軍故鐫職及

聞其曾促出師也乃復起用公免冠頓首謝曰督臣某爲

國愼重邊釁非敢示弱

仁宗釋制軍還制軍卽在楚劾公轉輸不繼者安南阮光縉

爲農耐阮福映攻偪敏關求內避

仁宗慮粵西邊疆有事

命公馳驛往未至鎮南關福映已滅光纘遣使納款表稱遠祖本黎氏舊臣分封廣南迨阮光平殄滅黎氏福映竄居農耐今乃爲君父復讐非敢無故稱兵察其情辭恭順奏懇俯准福映復稱其祖居越裳請以南越名國公因稱名與趙佗無異駁回其表福映猶懇代奏乃密陳百越之南本外夷地福映先有越裳繼得安南肇錫嘉名之中仍存其舊請以

家傳

四

越南爲福映國號奉

旨允行調撫廣東時海寇未靖

上命定章程期永久公奏水師終年出洋迄無成效緣賊船飄忽無常條分條合兵船分則力單合則不能兼顧故古來沿海疆者論海防未聞海戰惟嚴守口岸禁米糧不與賊通更撥兵船扼重地往來策應爲第一要務議未果行及再撫廣東制軍以緝捕海盜無效倡議招撫公力辯非計意見不合乃自具疏云洋盜投首多各屬購線招致在盜匪雖係窮

盛而自官招之究屬非體加以概行賞賚遂致外間有盜匪非眞悔罪特爲貪利而來官吏意在邀功不惜重金爲市之語況狼子野心受撫後衣食無資故智復萌仍爲海疆之患且該匪罪在不赦一受撫卽榮以千把總頂戴而巡洋之兵備歷艱苦求拔一外委不可驟得亦不能禁其怨望傷國體而失人心弊不僅廢法已也乃復申海防之議

仁宗是之命停止招撫並

諭制府回京道光元年公七十生辰

家傳

五

御書平格延釐額拊循南國宣猷遠協贊黃扉受福多對聯並福壽字文綺等件

賜之三年八月

上幸萬壽山宴七十以上老臣繪像玉瀾堂公得與

賜詩有封疆重寄廉兼幹平成奏績慶河黃之句洵異數也

公總督兩江久以年老乞休

溫旨慰留復請

預簡得人以待更替奉

批卿其勉力爲國宣猷誠惻均悉時有以酌定州縣陋規請明示以應取之數爲言者

上乃下其議於直省各督撫公覆奏略曰我

朝

列聖相承取民皆有常制至於陋規則千例禁語云作法於涼其敝猶貪禁之取猶不能不取若許之取必至益無顧忌竭民脂膏而後止議者固因公起見臣以爲不可行者誠以自古無此制祿之經不可使

家傳

六

堯舜之世於百官常祿外別開取利之門爲後世滋議疏入批云國家利弊據實直陳可謂大臣矣又奉

諭謂爲公忠體國優與議敘粵東內河土賊爲商民害巨匪楊亞鹽等結盟械鬪殺人積案累累抵任悉行捕獲潮陽械鬥案讐殺至一百六十餘人犯無一獲嚴飭巡道剋以時日捕得四百餘人分首從置之法河南新蔡匪徒朱鳳閣推安徽阜陽人邢名章爲首據阜之岳家莊僞立元帥抗拒官兵遣將弁冒雨突進擒斃無一遺者蒙毫間積匪張建禮護梟

窩盜肆行淫惡爲地方大害先後悉獮薶之事類此者尙夥奏入屢蒙

褒嘉至若剔弊政以安閭閻完倉庾以裕積儲理鹽漕以充國用屢平反大獄以伸冤抑而彰

國憲美政不勝書弗克縷載公敦孝友篤交遊其性則甘澹泊崇謙退久任封圻而食不兼味終身不置姬妾燕居時麤衣敝屨依然一書生也位極人臣無纖毫滿假心凡地方利病虛懷詢下僚不知倦用人曲盡其才汲引保全惟恐弗至

家傳

七

蓋其所以樹偉望建勳業結

聖主之知獲五福之備者實根柢乎此年逾耆英優游林下者十載道光十四年甲午公鄉科重周

恩錫頭銜再與鹿鳴筵宴是年十月無疾卒年八十有三所著奏疏鹽法隅說古文古今體詩凡八卷自記年譜一卷配張夫人嚴明慈惠相莊垂六十年先公六年卒子三善寶嘉慶丁卯舉人官至江蘇巡撫仁榮候選判瑞珍道光癸未翰林官至戶部尙書孫六毓湘廩貢生毓泗庠生毓漢壬午

舉人內閣中書毓淮甲辰一甲一名進士翰林院修撰官至
浙江按察使毓珠廩貢生毓汶咸豐丙辰一甲二名進士翰
林院編修侍讀學士

論曰

國朝山左仕至大學士者最著李文襄公劉文正公勲績載
國史二公之後媲之者惟公然二公之壽皆不及公乃知白
鶴芝艸非獨爲

國得賢之符亦公福祿壽考之徵也

家傳

八

延釐堂集總目

任城孫玉庭寄圃著

孫男毓漢校刊

奏疏三卷補遺一卷

鹽法隅說一卷

古文一卷

古今體詩二卷

自記年譜一卷

延釐堂集

總目

一

元孫肇勳參校

奏疏目錄

任城孫玉庭寄圃

湖北布政使

節年動缺倉穀請仍循舊章買補疏 嘉慶六年

廣西巡撫

錫封越南國號始末十一疏 七年 八年

奏陳地方情形疏

倉庫彌補全完疏

延釐堂集

奏疏目錄

廣東巡撫

省監人犯壅積陳請疏通疏 九年

獲犯眾多親赴潮州審辦疏

訪獲地棍土豪並參守令疏 十年

籌拏著名巨匪片奏

防勦洋匪情形疏

辦理投首洋盜未臻妥善疏

雲南巡撫

滇粵銅鹽互易章程請酌量變通疏 十六年

籌辦邊外滋事土目片奏 十七年

勦辦邊外逆目支用銀米應銷疏 十八年

溢領兵米請羅價充餉疏 十九年

恭報回任接篆疏

兩江總督

丁船辦運費酌定章程片奏 二十二年

卹丁除弊疏

延釐堂集

奏疏目錄

請復兌漕舊例疏 二十三年

東臺縣漕糧米少船多請歸并加裝疏

奏參兩淮鹽運使劉涇疏內夾片 二十五年

請停止查辦陋規疏

奏陳欽感下忱疏 道光元年

審明徐飛隴命案究出正凶據實平反疏內夾片

江西距省寫遠南贛各屬秋審及軍流以下人犯請歸

巡道審錄審轉疏

南河工費節省請停止鹽斤加價疏

查明淮南辦運情形請停止鹽斤加價疏

口岸銷鹽利弊疏

借款收買淮北餘鹽片奏

七十生辰恭謝

恩資疏

查明楚岸銷引情形亟宜催商趕運疏

自陳年力較衰請簡賢能以重東南要任疏

延釐堂集

奏疏目錄

三

敬陳感悃仍求預簡得人疏

三年

密陳管見疏

謝與十五老臣繪像疏

恭謝

天恩疏

洪澤湖隄因暴風刷缺口門籌辦搶堵宣洩漫水及鎮

撫地方預計來歲重運疏

四年

請酌留漕米賑糶片奏

延釐堂集

查辦撫卹疏

堰圩缺口償堵合龍疏

謝革職留任疏

五年

先大父奏稿一篋珍藏有年後因兵燹輾轉散逸謹將素所鈔存並從姪楫由京錄寄者校對付梓餘俟補輯續刊

同治十一年壬申五月孫男毓漢謹識

延釐堂集

奏疏目錄

四

奏爲節年動缺倉穀酌請仍循舊章買補以實積貯而裕民食仰祈

聖訓事竊照湖北常社義倉各穀截至嘉慶五年

奏銷止共未買穀八十萬餘石此外尚有各屬收撫被賊難民及應付兵勇口糧動用倉穀未經截數一經清查明確均須次第采買足額臣前於四年秋間抵任後正值田禾稔收市糧充裕卽已酌令分別年限買補以實

延釐堂集

奏疏卷上

一

倉儲旋因奉准部咨劉權之條奏禁止地方官在本地派買行令各在鄰縣按照市價公平采買等因各州縣咸以例定穀價每石連運腳不得逾六錢五分之數已屬不敷若再赴鄰邑采買更多靡費賠累遂致觀望未卽遵辦嗣於上年五月內又奉准部咨因胡季堂奏稱直隸省州縣多有不通水路之處應買穀石購自鄰封運費轉浮於買穀之價欽奉

上諭著照所請行嗣後除各省附近水次舟楫可通地方著

卽於鄰境采買外其不通水路者仍准其在本地采買不必遠赴鄰封等因欽此仰見

皇上執兩用中至當不易曷勝欽服臣當卽通詳前督撫臣

姜晟倭什布量爲權宜變通

奏請仍循舊章於本境田多穀多之家酌量買補庶使官民兩便旋奉戶部議駁恐不肖官吏恃有章程始則分派富戶繼且累及貧民種種弊端不可不防其漸未便准行仍令按照例價無論本境鄰封迅卽買補足額等

延釐堂集

奏疏卷上

二

因奏奉

諭旨依議欽此欽遵在案臣查湖北襟江帶湖雖通水次地方較多但糧食聚集可供采買者亦不過漢陽縣之漢鎮江陵縣之沙市天門縣之岳口等處如令通省州縣俱赴此數處購買非但市販擡價居奇有妨民食且各州縣水程順逆遠近不同運腳亦多繁費更難報銷若止令於毗連鄰邑互相調換購買則附近之邑未必卽係多穀之區旣非通都大市卽無商販往來零星糴買

爲數無多兼之人地生疏孰係藏穀之家亦不能備悉誠屬窒礙難行今既奉戶部議覆按照例價無論本境鄰封迅卽買補則水次可通之處亦准在本地采買惟是例價一項在定例之初固不爲少第閱今年久生齒日繁百物昂貴見在通省月報糧價在二兩以內者不過數處其餘皆在二兩至三兩以上不等以二穀一米計算每石總在一兩以外值此豐年猶復如是諒以後亦難大減既不便責令州縣仍照例價采買致使藉口

虧賠而

國家經費有常又不便再請加價斷無終聽懸宕之理伏思常社義倉穀石年豐則糴年歉則糶皆爲民籌備緩急並非取之於民用之於官卽間有碾供軍需亦應知兵以衛民之義況部議不准向本地富戶采買原恐藉端勒派是以杜漸防微其實百姓未始不欲倉貯充盈以期有備無患卽如去冬今春市糧稀少民食維艱深藉倉廩尚未全行動缺得以平糶接濟而地方富戶亦

延釐堂集

奏疏卷上

三

多捐資賑恤可見照例給價分買倉穀原所樂從若因前有一二短價控告之案卽禁於本地穀多之家采買似屬因噎廢食臣再四籌思湖北頻歲年穀順成今通省秋成亦獲有八分自應及時買補惟有仰懇天恩俯念湖北軍興日久倉穀動缺已多准照向例仍按六錢五分之價於本地田多穀多之家分年酌量采買其穀少小戶不許抑勒派累並責成該管府州嚴密稽查將短價浮收勒等弊概行杜絕儻敢故違立即

延釐堂集

奏疏卷上

四

奏參究治一面徧加曉示俾閭閻踴躍從事以期倉儲得歸實貯庶於

國計民生兩有裨益臣爲積貯民食起見適督撫臣俱在邊境堵剿竄匪不揣冒昧據實具

奏伏乞

皇上睿鑒訓示施行謹

奏

奏爲遵

旨覆奏仰祈

聖鑒事竊臣前奉

恩旨擢授廣西巡撫旋准軍機處字寄奉

上諭安南阮光纘被農耐攻逼內投令臣馳驛速赴廣西與

吉慶等會商妥辦等因當於七月二十五日具摺恭謝

天恩由驛覆

延釐堂集

奏疏卷上

五

奏在案臣拜摺後卽日起程於八月初八日亥刻行次湖

南之祁陽縣地方接准軍機處字寄奉

上諭據清安泰奏農耐阮種攻打昇隆城阮光纘敗走被獲

阮種入城自立其軍士皆已束手投降阮光纘眷口亦全

被擒獲等語前因阮光纘欲圖內投兼慮農耐有指名求

索之事是以降旨令吉慶孫玉庭前往鎮南關會同妥協

經理茲阮光纘已全家被獲自無畝關求納之事但邊關

緊要當需大員坐鎮清安泰業已回省吉慶孫玉庭仍應

前往鎮南關察看情形督率地方文武各員嚴密稽查小

心防守至外夷自相吞噬原與內地無涉如果阮種有納

款請封之事或另有別意該督等再行奏聞請旨辦理等

因欽此仰見我

皇上睿慮周詳無微不至臣實不勝欽服伏查蠻觸相爭乃

番人常性原與內地無涉但夷情未靖卽應愼固邊圉

以昭威重誠如

聖諭邊關緊要必需大員坐鎮督率防守以備不虞臣一面

延釐堂集

奏疏卷上

六

趕緊前行一面具摺覆

奏正在繕發間於零陵途次適接清安泰來稟內稱阮種

自立後卽整備方物專差詣關呈遞撫臣文稟懇爲轉

奏候

旨恭進並將其五月內由海道專差至廣東督臣處呈遞表

文鈔錄底稿隨稟齎呈情詞恭順經清安泰於七月三

十日具奏並將表稟底稿進呈

御覽在案臣思阮種既情詞恭順兩次懇求納款則邊關一

帶自必更見甯謐與清安泰前摺奏明回省之時情形
又有不同且夷情新定是否蒙

恩允其納款之處彼尙不知若此時督撫大吏同至鎮南關
駐劄恐彼反生疑畏臣擬到省後體察情形或駐距關
較近之太平府內以督率文武嚴密稽防外可察探夷
情得信較速以便臨時酌辦再督臣接奉前次

諭旨當在七月盡間如見已來西當至潯州南甯一帶臣本
日卽入廣西全州境容俟相見後會商一切妥慎辦理

延釐堂集

奏疏卷上

七

隨時具奏外所有臣途次接奉

諭旨謹由驛先行覆

奏伏乞

皇上睿鑒謹

奏

奏爲恭報微臣接印抵省日期及邊關甯謐情形仰祈
聖鑒事竊臣於途次奉到軍機處字寄

諭旨飭臣赴鎮南關駐防與督臣會商妥辦等因當將阮種
兩次納款業經清安泰鈔錄表稟各稿具奏臣無庸速
赴邊關俟到省後體察情形或前赴太平府就近稽查
防範緣由先經由驛覆

奏在案嗣於八月十二日行抵興安縣准藩司清安泰委

延釐堂集

奏疏卷上

八

員齎送廣西巡撫關防前來臣當卽恭設香案望

闕叩頭謝

思祇領任事旋於十三日抵桂林省城詢之司道等均稱阮

種自稟求納款之後邊關甯靜如常督臣亦尙無來西

確信臣正在繕摺具奏間於十五日卯刻承准軍機處

字寄八月初三日奉

上諭前據清安泰奏安南被阮種占據阮光纘全家被獲當
經降旨諭令吉慶孫玉庭前赴鎮南關督率稽查妥爲經

理見在清安泰已回省城孫玉庭卽著接印任事探明邊境情形應否前赴鎮南關再定行止此時吉慶覆奏之摺尙未奏到想伊接奉諭旨一面自己起程孫玉庭俟吉慶到彼後更可會商一切妥協辦理至阮光纘經阮種獲去之後曾否被害抑或尙在拘禁阮種自立後該國情形若何孫玉庭探有確實信息卽著先行馳奏等因欽此

臣查

阮種於五月內未能盡得安南以前卽由海道專差赴東省督臣處具稟懇求代奏納款表文既獲阮光纘之

延釐堂集

奏疏卷上

九

後復專差叩關具稟廣西撫臣並抄錄表稿懇爲代奏其恭順之誠已可概見是以邊關一帶甯靜如常見既別無消息自無庸督撫同駐鎮南關致彼聞知反生疑畏茲續奏阮種納款之摺尙未到京已蒙

聖明訓諭令

臣

探明邊境情形再定行止仰見我

皇上燭照幾先明見萬里

臣

實欽服難名惟督臣接奉前次

諭旨如何覆奏尙未接到移知刻下曾否西來亦無確信

臣

擬俟督臣一有來西之信卽迎赴前途會商一切或同

赴太平或竟毋庸前往臨時再行酌定至阮光纘全家被獲之後均爲阮種所殺其稟文內已經敘明是否確實見在並無另有風聞阮種自立之後亦未聞別有爭奪不靖情事

臣

已飛飭太平府知府王撫棠及邊關文武各員再行確探星飛稟報一得信息卽行馳

奏上慰

慈廑伏乞

皇上睿鑒謹

延釐堂集

奏疏卷上

十

奏

奏爲遵

旨前赴邊關會同傳諭夷使恭摺覆

奏仰祈

聖鑒事竊臣於八月二十日承准軍機處字寄八月初十日

奉

上諭清安泰奏農耐遣使詣關稟請納款以未諳天朝禮節懇求指示阮福映頗知恭順吉慶等當傳到使臣黎正路

延釐堂集

奏疏卷上

七

陳明義詳悉諭知看其如何登荅卽行具奏等因欽此伏

查臣於十五日奉到

諭旨令臣探明邊境情形應否前赴鎮南關再定行止等因

當將邊境甯謐及俟督臣來西臣卽迎赴前途會同前

往太平妥辦緣由先行覆

奏在案惟此摺係專差齎進到京較遲茲奉我

皇上指示機宜令臣等詳悉傳諭該使臣令其回國告知遵

照辦理並看其如何登荅卽行具奏臣見在恭錄

諭旨札會督臣一面將省署事件稍爲料理卽前赴南甯俟

督臣一到同赴太平會辦查鎮南關距太平府僅止兩

站關內有昭德臺係向來接見夷使之處今阮福映既

蒙

恩允其納款似應傳令該使臣進關至昭德臺聽候宣諭以

肅體制容俟督臣到西會商妥辦再行具奏所有臣遵

旨起程緣由理由由驛先行覆奏伏乞

皇上睿鑒謹

延釐堂集

奏疏卷上

七

奏

奏爲遵

旨傳諭夷使另具請

封表文仰祈

聖鑒事竊_臣於九月十七日前赴太平一面札飭太平府知

府王撫棠會同署新太協副將馮春先行赴關傳知該

夷使黎正路等令其聽候傳進宣諭_臣隨於九月三十

日行抵關內之昭德臺據王撫棠等面稟該夷使已先

延釐堂集

奏疏卷上

吉

期祇候當卽開關傳進引至臺前該夷使叩見之後_臣

卽遵照前奉

諭旨指示各情節詳細告諭令通曉夷語之人一一傳知該

夷使叩頭感謝喜形於色並據面稱伊等回國卽遵照

宣諭情節告知該國長另具請封表文敬備

貢品恭遣陪价詣關候命惟懇代爲呈奏早沐

大皇帝天恩等語_臣察其情詞極爲敬畏感激當卽賞以酒

食俾令出關計該夷使回國阮福映另具表貢到關約

須一月見在沿邊內外均極甯謐內地商民由平而水

口由隘等處貿易者來往如常詢以安南情形據稱阮

福映得國以來民情頗爲帖服是邊關並無緊要應辦

事件_臣於拜摺後卽起身回省俟其表文到時再爲呈

奏所有_臣遵

旨傳諭夷使事竣卽行回省緣由理合恭摺由驛馳

奏伏乞

皇上睿鑒謹

延釐堂集

奏疏卷上

吉

奏